

Heroína gratis na Hulanda pa drogadictonan

ORANJESTAD(AAN) Na Hulanda autoridadnan municipal di Den Haag a dicidi pa cuminsa suministra gratis e droga pisa heroína na chollernan cu pa basta tempo ta adicto na heroína.

Heroína ta un den e droganan mas pisa na mundo y ta un di e droganan cu a causa mas morto y tristeza na mundo.

Compara cu cocaína y otro droganen popular na paisnan desaroya manera Europa y Merca, heroína ta e droga mas pisa y mas caro tambe y ta pertenece na un mercado di narco trafico hopi criminal.

Pa motibo cu heroína ta hopi caro y no facil pa haya e seno di narco traficantenan di heroína ta conoci como un di esnan mas cruel y sin misericordia pa cu nan victimanan y tur hende cu para den nan caminda.

Cargamentonan di heroína ta ser trafica ilegalmente di Asia pa Europa y Merca, ta di balornan biyonario.

Na Hulanda un tempo e cantidad di adictonan na heroína tabata halto, pero ora cu cocaína y otro droganen manera XTC, Base, etc etc a haci nan entrada riba mercado, e consumo di heroína a baha substancialmente.

Pa autoridadnan e desaroyo cu e cantidad di consumidornan di heroína a baha den transcurso di añanan cu a pasa, tabata nada otro cu un camuflaje temporal, pasobra e problema di adiccion di droga a move di un mercado pa otro, esta di heroína pa cocaína, XTC y Base.

Actualmente Municipio Den Haag ta bay experimenta cu dunamento gratis di heroína na adictonan cu pa basta tempo caba ta uza

DOS PASAHERO GARA CU DROGA

ORANJESTAD (AAN): Diahuebs merdia, autoridad a logra di detene Colombiano cu a yega Aruba na Aeropuerto. Cada uno a worde atrapa cu cocaína, supuestamente den safety-shoes warda den maleta.

Nan a worde deteni, y pasa pa Departamento di Droga, cu a tarda como 2 ora y mey pa yega Aeropuerto pa busca nan.

heroína y e decision a ser tuma recientemente despues cu aña pasa ainda Municipio Den Haag a para e experimento, debi cu e gastonan pa cu e experimento tabata mucho halto esta 700.000,00 Florin Hulandes.

Municipio Den Haag hunto cu otro instancianan cu ta trata adictonan di droga a logra financiamiento pa e experimento di suministacion gratis di heroína na drogadictonan.

Den Haag hunto cu Zorgkantoor Haaglanden y Psychomedisch Centrum Parnassia lo paga e suma di 700.000,00

Florin pa e experimento por worde checuta.

E gastonan total di e experimento di suministacion gratis di heroína ta costa 2,8 miyon di cual e gran parti ta ser cubri door di Ministerio di VWS.

Na Amsterdam y Rotterdam ya caba experimentonan similar ta andando di cual autoridadnan Hulandes ta bisa cu nan ta exitosos.

Pa paisnan na America Latina y tambe Merca e noticia, cu na Hulanda e capital gubernamental, esta Den Haag ta bay duna

gratis heroína na drogadictonan, lo cay manera un bom pasobra e politica narco complaciente y narco tolerante cu Hulanda ta hiba ta worde mira door di paisnan den Caribe y America Latina como uno di doble filo.

Colombia ta un di e paisnan cu mas ta sufrí di e mal imagen di narco trafico y tur loke cu tin di haber cu droga den e sentido amplio di e palabra.

Desaroyonan riba tereno di narco trafico na paisnan Latino a perhudica pais Aruba y Antiyas tambe y extradicion y tur otro sorto di medida y intervencionnan pa cu combatimento di narco trafico cu ta bay combina cu crimen internacional, tabata consecuenecianan negativo y desastroso cu pais Aruba a worde confronta cune.

Aruba formando parti di Reino Hulandes hopi biaha den area di Caribe y tambe America Latina ta ser mira como un spiel di e politica di Hulanda.

Hopi ta esnan den America Latina y Caribe y te hasta Merca, cu ta kere cu aki na Aruba droga por worde compra libremente den koffiешop manera cu na Hulanda ta e caso.

Si Colombia ta sufrí pa motibo di traficacion di cocaína y tambe heroína y pa cu esaki Colombia un mal number rond mundo,

anto ta kico autoridadnan Colombiano mester pensa di e hecho cu awor Den Haag ta suministra heroína gratis na drogadictonan.

Combatimento di droga den area di Caribe y America Latina tabata un di e motibonan pa cual Merca y Hulanda ta invertiendo den proyectonan di Warda Costa na Antiyas y Aruba y un aumento di presencia militar riba laman y den aire riba costanan di paisnan Latino.

Ta di unda Den Haag, Rotterdam y Amsterdam ta haya heroína compra pa duna gratis na chollernan?

No ta conoci si na Hulanda mes den cashi di glas nan por cultiva y procesa heroína manera cu si ta e caso cu e mihor marihuana di mundo esta esun Hulandes yama Nederweed.

Ta con ta bay haci awor cu heroína cu ta ser trafica di Colombia pa Hulanda, si na Hulanda mes e droga pisa y cruel aki ta ser duna gratis na drogadictonan?

Merca ta invertiendo miyones den avionnan special, equiponan militar y asistencia tecnico pa combati cultivó di cocaína y heroína na paisnan Latino manera Colombia y awor un mercado legal a caba di habri na Hulanda, caminda cu gobierno

Hulandes mes mester bay compra mas cu 2 miyon na heroína pa parti esaki gratis na drogadictonan.

Cultivo y comercio di heroína ta pertenece na e seno di crimen organiza pisa y internacional y ta for di e seno ey Hulanda ta bay haya su heroína?

Na Colombia y otro paisnan den region nan lo perde strea di noord por completo ora cu e noticia aki plama tur caminda pasobra nan hendenan ta worde extradita pa cu narco trafico y na Europa gobiernonan mes ta parti heroína gratis pa drogadictonan.

E placa cu gobierno Hulandes mester bay paga na esnan cu ta vende heroína, ta placa preto, placa di narco trafico o placa limpi?

Ta con MOT na Hulanda ta bay registra ganashi di venta di heroína y transaccion di placa pa compra estatal di heroína?

Si e experimento na Den Haag ta exitoso gobierno Hulandes lo aplica esaki pa mas ciudad na Hulanda y esaki lo encera un aumento di demanda grandi pa narco trafico di heroína.

Aruba a carga e mal number pa narco trafico y labamento di placa y awor Hulanda kier bay compra heroína pa parti den mayoria ciudad grandi di e pais: unda nos ta bay?

SIGUI NA MAN ROBES!!

